

iKM^{PLUS} – Informacije za roditelje i staratelje

Dragi roditelji, dragi staratelji!

Ovdje ćete pronaći najvažnije informacije o iKM^{PLUS} na prvi pogled. Ako trebate više informacija ili imate pitanja, slobodno se obratite dotičnom nastavniku ili upravi škole vašeg djeteta.

Ove informacije su dostupne na mnogim drugim jezicima:

www.iqs.gv.at/ikmplus-uebersetzungen



Šta je iKM^{PLUS}?

iKM^{PLUS} znači **individualno mjerenje kompetencija PLUS (iKM^{PLUS})**. iKM^{PLUS} procjenjuje napredak vašeg djeteta u predmetima *njemački, matematika i engleski* (engleski samo u 7. i 8. razredu).

Ona pokazuje gdje se vaše dijete trenutno nalazi, koje vještine je već steklo i gdje se još može poboljšati. Njen cilj je da najbolje podrži i pomogne učenike u njihovom daljem učenju.

Rezultati trebaju pomoći vašem djetetu da postigne ciljeve u učenju i razvije vještine. **Rezultati NE utiču na ocjenu. Oni također NE služe kao osnova za upis u srednju školu.**

Kada se održava iKM^{PLUS}?

Obavezni osnovni moduli iKM^{PLUS} održavaju se svake godine u svim školama **od novembra do januara (7. i 8. razred)**, u svim osnovnim školama **od aprila do maja (3. i 4. razred)**.

Tačni datumi i dani održavanja biće određeni u školi i na vrijeme će vas i vaše dijete obavijestiti odgovorni nastavnik ili direktor škole prije samog održavanja.

iKM^{PLUS} pored osnovnih modula nudi i dodatne module iz drugih predmeta i za druge razrede, koji su djelimično obavezni, a djelimično opcioní prema odluci nadležnog nastavnika ili direktora škole. Na taj način se dobijaju dodatne informacije za podršku. Više informacije možete saznati od odgovornog nastavnika ili direktora škole.

Mora li moje dijete učestvovati u iKM^{PLUS}?

Da. U iKM^{PLUS} programu svake godine obavezno učestvuju svi učenici 3., 4., 7. i 8. razreda u sklopu nastave. Izuzetak je moguć samo u posebnim slučajevima, na primjer, ako postoji specijalan status, posebne obrazovne potrebe ili tjelesni nedostatak i vaše dijete nije u mogućnosti da uradi zadatke čak ni uz pomoć.

Kako se odvija program iKM^{PLUS}?

Provođenje se odvija u redovnoj nastavi. U okviru osnovnih modula iKM^{PLUS} vaše dijete rješava zadatke iz predmeta

- *Njemački*: Trajanje oko 45 minuta
- *Matematika*: Trajanje oko 45 minuta
- *Engleski* (samo 7. i 8. razred): Trajanje oko 45 minuta



U većini slučajeva testovi se održavaju iz dva ili tri predmeta različitim danima. **Ako je vaše dijete bolesno na dan provođenja, mora da nadoknadi iKM^{PLUS} nekog drugog dana.**

Ako vaše dijete u osnovnom modu *njemački jezik (čitanje)* ne dostigne nivo kompetencije 1, dodatno će pohađati fokus modul *njemački jezik (lako čitanje)* (traje oko 35 minuta). Ovo omogućava još precizniji uvid u moguće probleme pri čitanju i još bolju podršku vašem djetetu.



Svake tri godine održavaju se obavezni takozvaniciklični moduli u 4. i 8. razredu (na primjer *Njemački jezik [slušanje]*; trajanje oko 30 minuta), o čemu ćete biti na vrijeme obaviješteni od strane školske uprave i nastavnika.



Kako se moje dijete može pripremiti za iKM^{PLUS}?

Posebna priprema za program iKM^{PLUS} nije potrebna i nema smisla. Vaše dijete će dobiti sve važne informacije od nadležnog učitelja. Učenice i učenici mogu zadatke riješiti najbolje što mogu i znaju. Možete pristupiti iKM^{PLUS} s povjerenjem. Vrlo rijetko se dešava da učenik riješi SVE zadatke tačno. **To je sasvim u redu**, ako ne uspije riješiti sve zadatke.

Da li mogu dobiti rezultate mog djeteta?

Da. Svako dijete koje učestvuje u programu iKM^{PLUS} dobija od zaduženog nastavnika **kod za povratne informacije** čim rezultati budu dostupni. Sa ovim kodom možete direktno pristupiti rezultatima osnovnih modula putem iKM^{PLUS} platforme. Ako želite saznati rezultate u drugim modulima, molimo obratite se odgovornom nastavniku.

Rezultati NISU ocjene. Oni pokazuju gdje je vaše dijete trenutno u procesu učenja i gdje može još napredovati.

Ko sve može vidjeti rezultate mog djeteta?

Samo nadležni nastavnici i školski direktor mogu vidjeti rezultate vašeg djeteta. Pored toga, niko nema pristup rezultatima vašeg djeteta. **Rezultati se NE smiju davati drugim školama.**

Informacije o zaštiti podataka možete pronaći na www.iqs.gv.at/datenschutz-ikmplus-schueler. Ako imate pitanja o obradi podataka i zakonskim osnovama, možete se obratiti službeniku za zaštitu podataka IQS-a: datenschutz@iqs.gv.at



Kako dalje sa rezultatima?

U zajedničkom razgovoru sa odgovornim nastavnikom, vi i vaše dijete ćete saznati više o rezultatima i zajedno dogovoriti dalje **ciljeve učenja i konkretne korake** za vaše dijete. Poziv na razgovor ćete dobiti na vrijeme od jednog od nadležnih nastavnika ili direktora škole.

Rezultati su takođe važni za nastavnike. Onu pomažu nastavnicima da stalno unapređuju svoju nastavu. Rezultati u razredima daju važne informacije školama za poboljšanje kvaliteta škole i nastave. Osim toga, program iKM^{PLUS} prikuplja važne informacije o obrazovnom sistemu i doprinosi njegovom kvalitetu i daljem razvoju.

Gdje mogu pronaći dodatne informacije?

Aktuelne informacije možete pronaći na web stranici IQS-a (Federalni institut za osiguranje kvaliteta u austrijskom školstvu) kao i na web stranici BMBWF-a (Federalno ministarstvo obrazovanja, nauke i istraživanja):

<https://www.iqs.gv.at/ikmplus>

<https://www.bmbwf.gv.at/Themen/schule/bef/ikmplus.html>

